



Broj: 06-04-32127-12.1/22  
Sarajevo, 08.09.2022. godine

**KANTON SARAJEVO**  
**VLADA KANTONA SARAJEVO**  
**Stručna služba Vlade**  
**Sekretar Vlade Kantona Sarajevo**

**Predmet:** Mišljenje po Inicijativi za donošenje Zakona o maloljetnim dobrovoljcima, borcima, braniteljima Kantona Sarajevo, dostavlja se

Ministarstvo za boračka pitanja Kantona Sarajevo zaprimilo je Zaključak Vlade Kantona Sarajevo broj: 02-04-32127-12.1/22 od 25.08.2022. godine kojim se zadužuju Ministarstvo za boračka pitanja Kantona Sarajevo, Ministarstvo pravde i uprave Kantona Sarajevo i Ured za zakonodavstvo Kantona Sarajevo, da Vladi Kantona Sarajevo dostave mišljenja na Inicijativu za donošenje Zakona o maloljetnim dobrovoljcima, borcima, braniteljima Kantona Sarajevo.

U vezi sa navedenom Inicijativom ističemo slijedeće:

Povodom tačke 1. Inicijative ističemo da je Zakon o pravima branilaca i članova njihovih porodica ("Službene novine Federacije BiH", br. 33/04, 56/05, 70/07, 9/10, 90/17 i 29/22) kategoriju maloljetnih branitelja svrstao u definiciju dobrovoljca koja glasi: "Dobrovoljcem, u smislu ovog zakona, smatra se pripadnik vojnih jedinica koji je učestvovao u pripremi za odbranu i u odbrani Bosne i Hercegovine u periodu od 18.09.1991. do 09.04.1992. godine, kao i drugo lice koje nije bilo vojni obveznik u vrijeme dobrovoljnog stupanja u Oružane snage i ostalo neprekidno u jedinicama do kraja rata ili je ranije demobilizirano od nadležnog vojnog organa".

Kao što se iz naprijed navedenog može vidjeti u ovom propisu nije pojedinačno izdvojena kategorija maloljetnih dobrovoljaca, branitelja, ali je u Zakonu o pravima demobiliziranih branilaca i članova njihovih porodica ("Službene novine Federacije BiH", broj 54/19 i 29/22) u članu 2. propisano da se demobiliziranim braniocem, u smislu ovog zakona, smatra pripadnik Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova (Oružane snage) koji je učestvovao u pripremama za odbranu ili u odbrani Bosne i Hercegovine u periodu od 18.09.1991. do 22.04.1996. godine minimalno godinu dana, pod uslovom da ne postoje okolnosti iz člana 36. Zakona o pravima branilaca i članova njihovih porodica ("Službene novine Federacije BiH", br. 33/04, 56/05, 70/07, 9/10, 90/17 i 29/22), te da se demobiliziranim braniocem dobrovoljcem smatra i lice koje je kao maloljetno stupilo u Oružane



snage u periodu od 18.09.1991. do 22.04.1996. godine. Shodno navedenom, može se vidjeti da je sa ova dva naprijed navedena Zakona priznat status maloljetnim borcima kao dobrovoljcima -demobiliziranim braniteljima.

Obje ove boračke kategorije obuhvaćene su i Zakonom o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22) sa mogućnošću ostvarivanja većine prava po ovom Zakonu, a koje se odnose na oblasti zdravstvene zaštite, zapošljavanja, obrazovanja, stambenog zbrinjavanja, posthumnih prava, novčanih primanja i ostalih prava.

Obzirom da maloljetni branitelji mogu ostvarivati prava po kantonalnom propisu iz ove oblasti donošenjem predloženog Zakona o maloljetnim dobrovoljcima, borcima, braniteljima Kantona Sarajevo samo bi se ponavljala prava koja već mogu ostvariti. Stoga preporučujemo da se ova inicijativa uputi Federalnom ministarstvu za pitanja boraca i invalida odbrambeno-oslobodilačkog rata kako bi se u krovnom zakonu iz ove oblasti uvrstili maloljetni branitelji kao posebna kategorija, sa obavezom ostvarivanja nekih novčanih primanja sa nivoa Federacije ili kantona.

U odnosu na tačku 2. Inicijative ističemo da Ministarstvo za boračka pitanja Kantona Sarajevo podržava ovu ideju o dodjeli priznanja-plaketa Kantona Sarajevo određenom broju maloljetnih branitelja Oružanih snaga BiH koji bi bili predloženi od Udruženja boraca – maloljetni dobrovoljci odbrambeno-oslobodilačkog rata "92-95" Kantona Sarajevo.

Povodom tačke 3. Inicijative koja se odnosi na dodjelu priznanja – časna odlikovanja koja se dodjeljuju učesnicima odbrane Republike Bosne i Hercegovine "Medalja za vojne zasluge", ističemo da su priznanja vezana za odbrambeno-oslobodilački rat dodjeljivana samo tokom ratnog stanja shodno Uredbi sa zakonskom snagom o odlikovanjima Republike Bosne i Hercegovine ("Službeni listi RBiH", broj 9/94) i Pravilniku o priznanjima i stimulativnim mjerama u Oružanim snagama RBiH kojim je predviđeno ratno priznanje značka "Zlatni ljiljan" ("Službeni list RBiH", broj 37/94), te da se dodjela ratnih priznanja vršila po osnovu ovih propisa, a danas ne postoji bilo koji propis koji definiše dodjelu priznanja poslije prestanka ratnih dejstava.

Vežano za tačku 6. Inicijative da se maloljetnim braniteljima omogući posebni programi sufinansiranja/finansiranja samozapošljavanja, ističemo da će se ovo Ministarstvo u narednoj godini obratiti Službi za zapošljavanje Kantona Sarajevo da u svojim projektima planira i pripremi program koji će se odnositi na sufinansiranje samozapošljavanja maloljetnih branitelja i da uzme u obzir ovu Inicijativu.

Shodno tački 7. Inicijative ističemo da je članom 35. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22) propisano da lica iz člana 1. tog Zakona, u koja su svrstani i maloljetni branitelji, imaju pravo na izgradnju stana putem Fonda Kantona Sarajevo osnovanog za rješavanje stambenih potreba za članove porodica šehida i poginulih boraca, ratne vojne invalide i demobilizirane borce i prognane osobe, na način da im se omogući beskamatna otplata stana sa većim brojem mjesečnih rata.

Dalje, vežano za navode o definisanju povoljnijeg sistema bodovanja maloljetnih branitelja, informišemo Vas da je odredbama Uredbe o načinu i uvjetima subvencioniranja kamata kredita i dodjele sredstava za rješavanje stambenih potreba branilaca Bosne i Hercegovine ("Službene novine Kantona Sarajevo", broj 38/20) kao dopunski kriterij definisano da maloljetni pripadnici OS



RBiH kao lica koja su se uključila u OS RBIH u životnoj dobi kada nisu bili vojni obveznici ostvaruju pravo na dodatnih 20 bodova.

Također, članom 9. stav (3) Pravilnika za utvrđivanje prava na dodjelu jednokratne novčane pomoći broj: 06-02-34258/22 od 06.09.2022. godine čije se objavljivanje u "Službenim novinama Kantona Sarajevo" očekuje narednih dana, propisano je da se maloljetnim braniocima OS BiH koji zbog ratnih okolnosti nisu bili u mogućnosti završiti srednje obrazovanje, troškovi polaganja dopunskih ispita izmiruju se u iznosu od 100% od iznosa predračuna, dok je za ostale kategorije propisan iznos od 60% od iznosa predračuna.

Dostavljeno:

- Naslovu
- Evidencija
- A/a



Adresa: Reisa Džemaludina Čauševića 1, 71000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

3/3

